


金光明最勝王經

卷五

百二十六
場五

48138



元祿九年丙子二月日重脩

皇圖鞏固 帝潛緞呂

佛日增輝 懋合輪常轉

山城州天安寺法金剛院置



金光明最勝王經卷第五

場

唐三藏法師

義淨奉

制譯

蓮華喻讚品第七

尔時佛告善提樹神善女天汝今應知妙幢
夜夢見妙金鼓出大音聲讚佛功德并懺悔
法此之因緣我為汝等廣說其事應當諦聽

善思念之過去有王名金龍王常以蓮華喻
讚稱歎十方三世諸佛即為大眾說其讚曰
過去未來現在佛
我今至誠稽首禮
無上清淨牟尼尊
一切聲中最為上
安住十方世界中
一心讚歎諸最勝
身光照耀如金色
如大梵響震雷音

髮彩喻若黑蜂王
齒白齊密如珂雪
目淨無垢妙端嚴
舌相廣長極柔軟
眉間常有白毫光
眉細纖長類初月
鼻高脩直如金鋌
一切世間殊妙香
世尊最勝身金色
紺青柔軟右旋文
初誕生有妙光明
能滅三有衆生苦

宛轉旋文紺青色
平正顯現有光明
猶如廣大青蓮葉
譬如紅蓮出水中
右旋宛轉頗梨色
其色光耀比蜂王
淨妙光潤相無虧
聞時悉知其所在
一一毛端相不殊
微妙光彩難爲喻
普照一切十方界
今彼悉蒙安隱樂

地獄傍生鬼道中
令彼除滅於衆苦
身色光暎常普照
面貌圓明如滿月
行步威儀類師子
臂肘纖長立過膝

圓光一尋照無邊
悉能遍至諸佛刹
淨光明網無倫比
普照十方無障礙
善逝慈光能與樂
流光悉至百千土

阿蘇羅天及人趣
常受自然安隱樂
譬如鎔金妙無比
脣色赤好喻頻婆
身光朗耀同初日
狀等垂下娑羅枝
赫奕猶如百千日
隨緣所在覺群迷
流輝遍滿百千界
一切冥暗悉皆除
妙色映徹等金山
衆生遇者皆出離

佛身成就無量福
超過三界獨稱尊
所有過去一切佛
未來現在十方尊
我以至誠身語意
讚歎無邊功德海
設我口中有千舌
世尊功德不思議
假令我舌有百千
於中少分尚難知
假使大地及諸天
可以毛端滴知數

一切功德共莊嚴
世間殊勝無與等
數同大地諸微塵
亦如大地微塵衆
稽首歸依三世佛
種種香華皆供養
經無量劫讚如來
最勝甚深難可說
讚歎一佛一功德
況諸佛德無邊際
乃至有頂爲海水
佛一功德甚難量

我以至誠身語意
所有勝福果難思
彼王讚歎如來已
願我當於未來世
夢中常見大金鼓
讚佛功德喻蓮華
諸佛出世時一現
夜夢常聞妙鼓音
我當圓滿修六度
然後得成無上覺
以妙金鼓奉如來
因斯當見釋迦佛

禮讚諸佛德無邊
迴施衆生速成佛
倍復深心發弘願
生在無量無數劫
得聞顯說懺悔音
願證無生成正覺
於百千劫甚難逢
晝則隨應而懺悔
拔濟衆生出苦海
佛土清淨不思議
并讚諸佛實功德
記我當紹人中尊

金龍金光是我子
世世願生於我家
若有衆生無救護
我於來世作歸依
三有衆苦願除滅
於未來世修菩提
願此金光懺悔福
業障煩惱悉皆亡
福智大海量無邊
願我獲斯功德海
以此金光懺悔力
既得清淨妙光明

過去曾爲善知識
共受無上菩提記
長夜輪迴受衆苦
令彼常得安隱樂
悉得隨心安樂處
皆如過去成佛者
永竭苦海罪消除
令我速招清淨果
清淨離垢深無底
速成無上大菩提
當獲福德淨光明
常以智光照一切

願我身光等諸佛

福德智慧亦復然

一切世界獨稱尊

威力自在無倫匹

有漏苦海願超越

無為樂海願常遊

現在福海願恒盈

當來智海願圓滿

願我刹土超三界

殊勝功德量無邊

諸有緣者悉同生

皆得速成清淨智

妙幢汝當知

國王金龍王

曾發如是願

彼即是汝身

往時有二子

金龍及金光

即銀相銀光

當受我所記

大眾聞是說

皆發菩提心

願現在未來

常依此懺悔

金光明最勝王經金勝陀羅尼品第八

尔時世尊復於眾中告善住菩薩摩訶薩善

男子有陀羅尼名曰金勝若有善男子善女人欲求親見過去未來現在諸佛恭敬供養者應當受持此陀羅尼何以故此陀羅尼乃是過現未來諸佛之母是故當知持此陀羅尼者具大福德已於過去無量佛所殖諸善本今得受持於戒清淨不毀不缺無有障礙

決定能入甚深法門世尊即為說持呪法先稱諸佛及菩薩名至心禮敬然後誦呪

南謨十方一切諸佛 南謨諸大菩薩摩訶薩

南謨聲聞緣覺一切賢聖

南謨釋迦牟尼佛 南謨東方不動佛

南謨南方寶幢佛 南謨西方阿彌陀佛

南謨北方天鼓音王佛

南謨上方廣眾德佛

南謨下方明德佛

南謨寶藏佛

南謨普光佛

南謨普明佛

南謨香積王佛

南謨蓮華勝佛

南謨平等見佛

南謨寶髻佛

南謨寶上佛

南謨寶光佛

南謨無垢光明佛

南謨辯才莊嚴思惟佛

南謨淨月光稱相王佛

南謨華嚴光佛

南謨光明王佛

南謨善光無垢稱王佛

南謨觀察無畏自在佛

南謨無畏名稱佛

南謨最勝王佛

南謨觀自在菩薩摩訶薩

南謨地藏菩薩摩訶薩

南謨虛空藏菩薩摩訶薩

南謨妙吉祥菩薩摩訶薩

南謨金剛手菩薩摩訶薩

南謨普賢菩薩摩訶薩

南謨無盡意菩薩摩訶薩

南謨大勢至菩薩摩訶薩

南謨慈氏菩薩摩訶薩

南謨善慧菩薩摩訶薩

陀羅尼曰

南謨曷唎怛娜怛唎夜也 怛姪他 君睽君

睽 矩折嚩矩折嚩 壹室哩蜜室哩 莎訶

佛告善住菩薩此陀羅尼是三世佛母若有

善男子善女人持此呪者能生無量無邊福
德之聚即是供養恭敬尊重讚歎無數諸佛
如是諸佛皆與此人授阿耨多羅三藐三菩
提記善住若有人能持此呪者隨其所欲衣
食財寶多聞聰慧無病長壽獲福甚多隨所
願求無不遂意善住持是呪者乃至未證無
上菩提常與金城山菩薩慈氏菩薩大海菩
薩觀自在菩薩妙吉祥菩薩大冰伽羅菩薩
等而共居止為諸菩薩之所攝護善住當知
持此呪時作如是法先應誦持滿一萬八遍
為前方便次於閤室莊嚴道場黑月一日清
淨洗浴著鮮潔衣燒香散華種種供養并諸

飲食入道場中先當稱禮如前所說諸佛菩薩至心懇重悔先罪已右膝著地可誦前呪滿一千八遍端坐思惟念其所願日未出時於道場中食淨黑食日唯一食至十五日方出道場能令此人福德威力不可思議隨所願求無不圓滿若不遂意重入道場既稱心已常持莫忘

金光明最勝王經重顯空性品第九

尔時世尊說此呪已爲欲利益菩薩摩訶薩人天大衆令得悟解甚深真實第一義故重明空性而說頌曰
我已於餘甚深經

廣說真空微妙法

今復於此經王內
於諸廣大甚深法
故我於斯重敷演
大悲哀愍有情故
我今於此大衆中
當知此身如空聚

略說空法不思議
有情無智不能解
今於空法得開悟
以善方便勝因緣
演說令彼明空義
六賊依止不相知
各不相知亦如是
耳根聽聲不斷絕
舌根鎮嘗於美味
意根了法不知猷
各於自境生分別
依止根處妄貪求

六塵諸賊別依根
眼根常觀於色處
鼻根恒嗅於香境
身根受於輕軟觸
此等六根隨事起
識如幻化非真實

如人奔走空聚中
心徧馳求隨處轉
常愛色聲香味觸
隨緣遍行於六根
藉此諸根作依處
此身無知無作者
皆從虛妄分別生
地水火風共成身
同在一處相違害
此四大蛇性各異
或上或下遍於身
於此四種毒蛇中

六識依根亦如是
託根緣境了諸事
於法尋思無暫停
如鳥飛空無障礙
方能了別於外境
體不堅固託緣成
譬如機關由業轉
隨彼因緣招異果
如四毒蛇居一篋
雖居一處有昇沉
斯等終歸於滅法
地水二蛇多沉下

風火二蛇性輕舉
心識依止於此身
當往人天三惡趣
遭諸疾病身死後
膿爛蟲蛆不可樂
汝等當觀法如是
一切諸法盡無常
彼諸大種咸虛妄
故說大種性皆空
無明自性本是無
於一切時失正慧
行識爲緣有名色

由此乖違衆病生
造作種種善惡業
隨其業力受身形
大小便利悉盈流
棄在屍林如朽木
云何執有我衆生
悉從無明緣力起
本非實有體無生
知此浮虛非實有
藉衆緣力和合有
故我說彼爲無明
六處及觸受隨生

愛取有緣生老死
衆苦惡業常緣迫
本來非有體是空
我斷一切諸煩惱
了五蘊宅悉皆空
我開甘露大城門
既得甘露真實味
我擊最勝大法鼓
我然最勝大明燈
降伏煩惱諸怨結
於生死海濟群迷
煩惱熾火燒衆生

憂悲苦惱恒隨逐
生死輪迴無息時
由不如理生分別
常以正智現前行
求證菩提真實處
示現甘露微妙器
常以甘露施群生
我吹最勝大法螺
我降最勝大法雨
建立無上大法幢
我當關閉三惡趣
無有救護無依止

清涼甘露充足彼
由是我於無量劫
堅持禁戒趣菩提
施他眼耳及手足
財寶七珍莊嚴具
忍等諸度皆徧修
故我得稱一切智
假使三千大千界
所有叢林諸樹木
此等諸物皆伐取
隨處積集量難知
一切十方諸刹土

身心熱惱皆除
恭敬供養諸如來
求證法身安樂處
妻子僮僕心無恡
隨來求者咸供給
十地圓滿成正覺
無有衆生度量者
盡此土地生長物
稻麻竹筲及枝條
並悉細末作微塵
乃至充滿虛空界
所有三千大千界

地土皆悉未爲塵
假使一切衆生智
如是智者量無邊
牟厘卅尊一念智
於多俱脰劫數中

時諸大衆聞佛說此甚深空性有無量衆生

此微塵量不可數
以此智慧與一人
容可知彼微塵數
令彼智人共度量
不能筭知其少分

悉能了達四大五蘊體性俱空六根六境妄生
繫縛願捨輪迴正修出離深心慶喜如說奉持
金光明最勝王經依空滿願品第十

尔時如意寶光耀天女於大衆中聞說深法
歡喜踊躍從座而起偏袒右肩右膝著地合
掌恭敬白佛言卅尊唯願爲說於甚深理修

行之法而說頌言

我問照世界

兩足最勝尊

菩薩正行法

唯願慈聽許

佛言善女天

若有疑惑者

隨汝意所問

吾當分別說

是時天女請世尊曰

云何諸菩薩

行菩提正行

離生死涅槃

饒益自他故

佛告善女天依於法界行菩提法修平等行

云何依於法界行菩提法修平等行謂於五

蘊能現法界法界即是五蘊五蘊不可說非

五蘊亦不可說何以故若法界是五蘊即是

斷見若離五蘊即是常見離於二相不著于

邊不可見過所見無名無相是則名爲說於
法界善女天云何五蘊能現法界如是五蘊
不從因緣生何以故若從因緣生者爲已生
故生爲未生故生若已生生者何用因緣若
未生生者不可得生何以故未生諸法即是
非有無名無相非校量譬喻之所能及非是
因緣之所生故善女天譬如鼓聲依木依皮
及桴手等故得出聲如是鼓聲過去亦空未
來亦空現在亦空何以故是鼓音聲不從木
生不從皮生及桴手生不於三出生是則不
生若不可生則不可滅若不可滅無所從來
若無所從來亦無所去若無所去則非常非

斷若非常非斷則不一不異何以故此若是一則不異法界若如是者凡夫之人應見真諦得於無上安樂涅槃既不如是故知不一若言異者一切諸佛菩薩行相即是執著未得解脫煩惱繫縛即不證阿耨多羅三藐三菩提何以故一切聖人於行非行同真實性是故不異故知五蘊非有非無不從因緣生非無因緣生是聖所知非餘境故亦非言說之所能及無名無相無因無緣亦無譬喻始終寂靜本來自空是故五蘊能現法界善女人若善男子善女人欲求阿耨多羅三藐三菩提異真異俗難可思量於凡聖境體非一

異不捨於俗不離於真依於法界行菩提行
尔時世尊作是語已時善女天踊躍歡喜即
從座起偏袒右肩右膝著地合掌恭敬一心
頂禮而白佛言世尊如上所說菩提正行我
今當學是時索訶世界主大梵天王於大眾
中問如意寶光耀善女天曰此菩提行難可
修行汝今云何於菩提行而得自在尔時善
女天答梵王曰大梵王如佛所說實是甚深
一切異生不解其義是聖境界微妙難知若
使我今依於此法得安樂住是實語者願令
一切五濁惡世無量無數無邊衆生皆得金
色三十二相非男非女坐寶蓮華受無量樂

雨天妙華諸天音樂不鼓自鳴一切供養皆
悉具足時善女天說是語已一切五濁惡世
所有衆生皆悉金色具大人相非男非女坐
寶蓮華受無量樂猶如他化自在天宮無諸
惡道寶樹行列七寶蓮華徧滿世界又雨七
寶上妙天華作天伎樂如意寶光曜善女天
即轉女身作梵天身時大梵王問如意寶光
耀菩薩言仁者如何行菩提行答言梵王若
水中月行菩提行我亦行菩提行若夢中行
菩提行我亦行菩提行若陽燄行菩提行我
亦行菩提行若谷響行菩提行我亦行菩提
行時大梵王聞此說已白菩薩言仁依何義而

說此語。答言。梵王無有一法。是實相者。但由因緣而得成。故梵王言。若如是者。諸凡夫人。皆悉應得。阿耨多羅三藐三菩提。答言。仁以何意而作是說。愚癡人。異智慧人。異菩提。異非菩提。異解脫。異非解脫。異梵王如是。諸法平等。無異於此。法異真如。不異無有。中間而可執著。無增無減。梵王譬如幻師。及幻弟子。善解幻術。於四衢道。取諸沙土。草木葉等。聚在一處。作諸幻術。使人覩見象。象。馬。衆。車。兵。等。衆。七寶之聚。種種倉庫。若有衆生。愚癡無智。不能思惟。不知幻本。若見若聞。作是思惟。我所見聞。象。馬。等。衆。此是實有。餘皆虛妄。於

後更不審察思惟有智之人則不如是了於
幻本若見若聞作如是念如我所見象馬等
衆非是真實唯有幻事惑人眼目妄謂象等
及諸倉庫有名無實如我見聞不執爲實後
時思惟知其虛妄是故智者了一切法皆無
實體但隨世俗如見如聞表宣其事思惟諦
理則不如是復由假說顯實義故梵王愚癡
異生未得出世聖慧之眼未知一切諸法真
如不可說故是諸凡愚若見若聞行非行法
如是思惟便生執著謂以爲實於第一義不
能了知諸法真如是不可說是諸聖人若見
若聞行非行法隨其力能不生執著以爲實

有了知一切無實行法無實非行法但妄思
量行非行相唯有名字無有實體是諸聖人
隨世俗說為欲令他知真實義如是梵王是
諸聖人以聖智見了法真如不可說故行非
行法亦復如是令他證知故說種種世俗名
言時大梵王問如意寶光曜菩薩言有幾衆
生能解如是甚深正法答言梵王有衆幻人
心心數法能解如是甚深正法梵王曰此幻
化人體是非有此之心數從何而生答曰若
知法界不有不無如是衆生能解深義
尔時梵王白佛言世尊是如意寶光曜菩薩
不可思議通達如是甚深之義佛言如是如

是梵王如汝所言此如意寶光曜已教汝等
發心修學無生忍法是時大梵天王與諸梵
衆從座而起偏袒右肩合掌恭敬頂禮如意
寶光耀菩薩足作如是言希有希有我等念
日幸遇大士得聞正法

尔時世尊告梵王言是如意寶光耀於未來
世當得作佛号寶燄吉祥藏如來應正遍知
明行圓滿善逝世間解無上士調御丈夫天
人師佛世尊說是品時有三千億菩薩於阿
耨多羅三藐三菩提得不退轉八千億天子
無量無數國王臣民遠塵離垢得法眼淨尔
時會中有五十億苾芻行菩薩行欲退菩提

心聞如意寶光耀菩薩說是法時皆得堅固
不可思議滿足上願更復發起菩提之心各
自脫衣供養菩薩重發無上勝進之心作如
是願願令我等功德善根悉皆不退迴向阿
耨多羅三藐三菩提梵王是諸苾芻依此功
德如說修行過九十大劫當得解悟出離生

死尔時世尊即為授記汝諸苾芻過三千阿
僧祇劫當得作佛劫名難勝光王國名無垢
光同時皆得阿耨多羅三藐三菩提皆同一
号名願莊嚴間飾王十号具足梵王是金光
明微妙經典若正聞持有大威力假使有人
於百千大劫行六波羅蜜無有方便若有善

男子善女人書寫如是金光明經半月半月
專心讀誦是功德聚於前功德百分不及一
乃至筭數譬喻所不能及梵王是故我今令
汝修學憶念受持為他廣說何以故我於往
昔行菩薩道時猶如勇士入於戰陣不憚身
命流通如是微妙經王受持讀誦為他解說
梵王譬如轉輪聖王若王在世七寶不滅王
若命終所有七寶自然滅盡梵王是金光明
微妙經王若現在世無上法寶悉皆不滅若
無是經隨處隱沒是故應當於此經王專心
聽聞受持讀誦為他解說勸令書寫行精進
波羅蜜不惜身命不憚疲勞功德中勝我諸

弟子應當如是精勤修學

尔時大梵天王與無量梵眾帝釋四王及諸
藥叉俱從座起偏袒右肩右膝著地合掌恭
敬而白佛言世尊我等皆願守護流通是金
光明微妙經典及說法師若有諸難我當除
遣令具眾善色力充足辯才無礙身意泰然
時會聽者皆受安樂所在國土若有飢饉怨
賊非人為惱害者我等天眾皆為擁護使其
人民安隱豐樂無諸枉橫皆是我等天眾之
力若有供養是經典者我等亦當恭敬供養
如佛不異尔時佛告大梵天王及諸梵眾乃
至四王諸藥叉等善哉善哉汝等得聞甚深

妙法復能於此微妙經王發心擁護及持經者當獲無邊殊勝之福速成無上正等菩提時梵王等聞佛語已歡喜頂受

金光明最勝王經四天王觀察人天品第十一
爾時多聞天王持國天王增長天王廣目天王俱從座起偏袒右肩右膝著地合掌向佛禮佛足已白言世尊是金光明最勝王經一切諸佛常念觀察一切菩薩之所恭敬一切天龍常所供養及諸天衆常生歡喜一切護世稱揚讚歎聲聞獨覺皆共受持悉能明照諸天宮殿能與一切衆生殊勝安樂止息地獄餓鬼傍生諸趣苦惱一切怖畏悉能除殄

所有怨敵尋即退散飢饉惡時能令豐稔疾
疫病苦皆令蠲愈一切災變百千苦惱咸悉
消滅世尊是金光明最勝王經能為如是安
隱利樂饒益我等唯願世尊於大衆中廣為
宣說我等四王并諸眷屬聞此甘露無上法
味氣力充實增益威光精進勇猛神通倍勝
世尊我等四王修行正法常說正法以法化
世我等今彼天龍藥叉健闍婆阿蘇羅揭路
荼俱槃荼緊那羅莫呼羅伽及諸人王常以
正法而化於世遮去諸惡所有鬼神吸人精
氣無慈悲者悉令遠去世尊我等四王與二
十八部藥叉大將并與無量百千藥叉以淨

天眼過於世人觀察擁護此瞻部洲世尊以此因緣我等諸王名護世者又復於此洲中若有國王被他怨賊常來侵擾及多飢饉疾疫流行無量百千災厄之事世尊我等四王於此金光明最勝王經恭敬供養若有苾芻法師受持讀誦我等四王共往覺悟勸請其

人時彼法師由我神通覺悟力故往彼國界廣宣流布是金光明微妙經典由經力故令彼無量百千衰惱災厄之事悉皆除遣世尊若諸人王於其國內有持是經苾芻法師至彼國時當知此經亦至其國世尊時彼國王應往法師處聽其所說聞已歡喜於彼法師

恭敬供養深心擁護令無憂惱演說此經利
益一切世尊以是緣故我等四王皆共一心
護是人王及國人民令離災患常得安隱世
尊若有苾芻苾芻尸鄔波索迦鄔波斯迦持
是經者時彼人王隨其所須供給供養令無
乏少我等四王令彼國王及以國人悉皆安
隱遠離災患世尊若有受持讀誦是經典者
人王於此供養恭敬尊重讚歎我等當令彼
王於諸王中恭敬尊重最為第一諸餘國王
共所稱歎大衆聞已歡喜受持

金光明最勝王經卷第五

場

柔軟
金
鏗
徒
頂
反
虧
苦
焉
誕
音
肘
知
柳
反

膝
音
赫
弈
上
呼
隔
反
下
音
亦
倫
迓
下
疋
字
膝
骨

特
計
鼻
許
救
藉
于
夜
盛
兒
叶
膿
爛
上
奴
作
匹
反

蟲
蛆
下
七
徐
反
豐
稔
下
而
錦
反
吸
許
及
且
反



